

POLITIKAT E PRIVATËSISË
TË QENDRËS “TË NDRYSHËM & TË BARABARTË” (D&E)

1. Informacion i përgjithshëm për D&E

“Të Ndryshëm & Të Barabartë” (D&E) është organizatë shqiptare jofitimprurëse (OJF) e krijuar në maj të vitit 2004 dhe ofron shërbime parandaluese, mbrojtëse dhe riintegruese për viktimat e trafikimit, viktimat e dhunës, si dhe grupet vulnerabël.

Planifikimi dhe zbatimi i aktiviteteve të organizatës “Të Ndryshëm & Të Barabartë” udhëhiqen dhe përmbushin linjat e strategjive dhe planeve kombëtare të veprimit për luftën kundër trafikimit të genieve njerëzore apo dhe të atyre për luftën kundër dhunës me bazë gjinore e dhunës në familje, si dhe detyrimet e organizatës si Anëtare e Mekanizmit Kombëtar të Referimit për viktimat e trafikimit.

Vizioni i D&E: *“Ne besojmë në një shoqëri pa abuzim, shfrytëzim, trafikim apo diskriminim, ku çdo njerit/ës i respektohen të drejtat njerëzore themelore dhe i jepen mundësi të barabarta”*

Misioni i D&E: “Të Ndryshëm & Të Barabartë” është një organizatë jo-fitimprurëse e përkushtuar për të dhënë shërbime cilësore për mbrojtjen dhe ri/integrimin e viktimave të abuzimit, shfrytëzimit dhe trafikimit, si dhe për të përmirësuar kuadrin ligjor, institucional dhe social në mënyrë të tillë që t’i kundërshtojë, parandalojë e minimizojë këto abuzime.

Aktivitetet dhe shërbimet e ofruara nga D&E:

- Shërbime rezidenciale për viktimat e trafikimit
- Shërbime komunitare për viktimat e trafikimit
- Trajnime brenda Shqipërisë, për OJF që ofrojnë shërbime për këtë target-grup, institucionet shtetërore, bizneset, institucionet fetare, media, studentët, etj.
- Trajnime jashtë Shqipërisë për ofruesit e shërbimeve; studentë etj.
- Trajnime për stafin e D&E
- Aktivitete për gjenerim të ardhurash
- Studime/ Kërkime
- Advokim
- Mbështetje për Politikë-bërësit
- Parandalim – Rritja e ndërgjegjësimit, fuqizimi i grupeve të cënueshme

2. Informacioni që grumbullohet nga vizitorët/ët dhe politikat e sigurisë

D&E nuk mbledh informacion personal për vizitorët/et e faqes sonë të internetit, nëse vizitori/ja nuk dëshiron të ndajë këtë informacion me ne.

Shkëmbimi apo dorëzimi i një informacioni nëpërmjet faqes sonë të internetit apo nëpërmjet kontakteve të D&E në mënyrë vullnetare nga ana juaj, nënkupton që ju keni dhënë lejen tuaj për ta përdorur këtë informacion për qëllimin e deklaruar dhe në funksion të misionit të përgjithshëm të organizatës D&E.

Për çdo të dhënë që ju dërgoni apo informacion të ndarë me ne, me një nga mjetet e komunikimit, D&E respekton të drejtën tuaj për ruajtjen e privatësisë dhe mbrojtjen e të dhënave personale sipas standardeve ligjore të parashikuara në Ligjin Nr. 9887, datë 10.03.2008, "Për Mbrojtjen e të Dhënave Personale", i ndryshuar.

D&E përpunon automatikisht dhe mban emrin e fushës nga ku ju keni akses në Internet, datën dhe kohën kur ju vizitoni faqen tonë të internetit; adresën e Internetit të faqes (duke përfshirë faqen e kërkimit google ose faqen referuese) nga e cila ju mbërritët në faqen tonë. D&E e përdor informacionin e grumbulluar për të numëruar vizitorët e faqes tonë si dhe për të na ndihmuar ne për ta bërë faqen tonë më të dobishme për vizitorë si ju.

3. Detyrimi për ruajtjen e konfidencialitetit

D&E dhe i gjithë stafi i saj, përpunuesit/et dhe personat e tretë të kontraktuar nga D&E që kanë akses në të dhënat e marra prej jush apo që vihen në dijeni me të dhënat e përpunuara, gjatë ushtrimit të funksioneve të tyre, janë të detyruar të ruajnë konfidencialitetin dhe besueshmërinë edhe pas përfundimit të funksionit. Këto të dhëna nuk përhapen, përveç rasteve të parashikuara me ligj.

4. Kontakte të D&E

Organizata "Të Ndryshëm & Të Barabartë"

Tel: +355 (4) 222 18 92

E-mail: different&equal@icc-al.org

Adresa:

Rr. Milto Tutulani, P. Alb-Milenium, Shk.6, Ap. 30-34, Tirana, Albania

Shënim: Për dërgimin e mesazhit tuaj ju mund të na kontaktoni edhe në rubrikën "Na kontaktoni"

5. E drejta e aksesit, refuzimit të pëlqimit të dhënë dhe e korrektimit të të dhënave

Në rast se nuk është dhënë paraprakisht, ju keni të drejtë të kërkonti informacion për qëllimin dhe destinacionin e informacionit të dërguar prej jush, si dhe gjithmonë keni të drejtë të aksesoni të dhënat dhe informacionin e dërguar pranë D&E. Në çdo kohë ju keni të drejtë të refuzoni dhënien e një informacioni apo edhe të kërkonti korrigjimin apo korrektimin e tij.

Për çdo ndryshim apo përditësim të politikave të privatësisë ju do të njoftoheni nëpërmjet faqes sonë të internetit, informacionin i cili gjendet i publikuar në rubrikën "Politikat e Privatësisë".